



**Broj: 12-11-15-745/21**

**Sarajevo, 17. 3. 2021.godine**

Na osnovu člana 70. Zakona o javnim nabavkama ("Službeni glasnik BiH", broj: 39/14) i preporuke Komisije za provođenje postupka nabavke, putem postupka – konkurentski zahtjev za dostavu ponuda za izbor najpovoljnijeg ponuđača za nabavku usluga osiguranja imovine, motornih vozila i usluge kolektivnog osiguranja zaposlenika za potrebe Ureda za reviziju institucija u Federaciji Bosne i Hercegovine (obavještenje o nabavci broj: 296-7-2-7-3-8/21 objavljeno na Portalu javnih nabavki 1. 2. 2021. godine), date u Zapisniku broj: 12-11-15-93-12/21 godine, generalni revizor, donosi

## ODLUKU

### o izboru najpovoljnijeg ponuđača

I

U postupku nabavke - konkurentski zahtjev za dostavu ponuda za izbor najpovoljnijeg ponuđača za pružanje usluga osiguranja imovine, osiguranja motornih vozila i usluge kolektivnog osiguranja zaposlenika Ureda za reviziju institucija u Federaciji Bosne i Hercegovine za budžetsku 2021. godinu, Ugovorni organ donio je odluku o izboru najpovoljnije ponude po lot - ovima i to: za lot 1 „ASA osiguranje“ d.d. Sarajevo i za lot 3 „Adriatic osiguranje“ d.d. Sarajevo.

II

Zadužuje se Odjeljenje za pravne i opće poslove i ljudske resurse, da ovu Odluku dostavi ponuđačima – učesnicima u postupku u roku od 3 (tri) dana, a najkasnije u roku od 7 (sedam) dana od dana donošenja ove Odluke.

III

Ova Odluka stupa na snagu danom potpisivanja.

### Obrazloženje

Ured za reviziju institucija u Federaciji Bosne i Hercegovine (u daljem tekstu: Ugovorni organ) je u skladu sa odredbama Zakona o javnim nabavkama ("Službeni glasnik BiH", broj: 39/14), Odlukom broj: 12-11-15-93/21 od 12. 1. 2021. godine, pokrenuo postupak nabavke putem postupka – konkurentski zahtjev za dostavu ponuda za izbor najpovoljnijeg ponuđača za pružanje usluga osiguranja imovine, motornih vozila i usluge kolektivnog osiguranja zaposlenika za budžetsku 2021. godinu za potrebe Ureda za reviziju institucija u Federaciji Bosne i Hercegovine, i to:

- lot 1- Usluge osiguranja imovine
- lot 2- Usluge osiguranja motornih vozila
- lot 3- Usluge kolektivnog osiguranja zaposlenika

(obavještenje o javnoj nabavci, broj: 296-7-2-7-3-8/21 objavljeno na Portalu javnih nabavki dana, 1. 2. 2021. godine).

Uvidom u dostavljeni Zapisnik Komisije o pregledu i ocjeni ponuda broj: 12-11-15-93-12/21 od 16. 3. 2021. godine utvrđeno je:

- u predmetnom postupku nabavke i nadmetanju, Ugovornom organu šest ponuđača dostavilo je ponude i to za lot 1: Wiener osiguranje a.d. Banja Luka, d.d. Brčko-gas osiguranje Brčko, Adriatic osiguranje d.d. Sarajevo, Sarajevo osiguranje d.d. Sarajevo i ASA osiguranje d.d. Sarajevo, i za lot 3: d.d. Brčko-gas osiguranje Brčko, Adriatic osiguranje d.d. Sarajevo, Sarajevo osiguranje d.d. Sarajevo, ASA osiguranje d.d. Sarajevo i Euroherc osiguranje d.d. Sarajevo.
- da je ponuda ponuđača ASA osiguranje d.d. Sarajevo prihvatljiva za lot 1 i lot 3, a ponude ponuđača Adriatic osiguranje d.d. Sarajevo i Euroherc d.d. Sarajevo su prihvatljive za lot 3.
- da ponuda ponuđača Wiener osiguranje a.d. Banja Luka, za lot – 1 nije prihvatljiva, jer ponuđač nije dostavio Uslove za osiguranje imovine u etažnom vlasništvu, a koji su traženi tačkom 8.13. tenderske dokumentacije. Zbog navedenog, a shodno članu 68. stav (4) tačka i) ponuda se odbacuje.
- da ponuda ponuđača d.d. Brčko-gas osiguranje Brčko, za lot – 1 i lot – 3 nije prihvatljiva jer:

- ponuđač nije dostavio Uslove za osiguranje imovine u etažnom vlasništvu, a koji su traženi tačkom 8.13 tenderske dokumentacije.

Ponuđač, također, nije označio stranice ponude na način da je obezbijeden kontinuitet numerisanja stranica. Naime, između pete i šeste stranice u ponudi je umetnut list koji nije označen brojem, te su dvije stranice označene sa brojem osam. Također, u nacrtu ugovora za lot – 1 navedeno je „i ponudom broj: 170/21 od 16. 2. 2021. godine, koja je sastavni dio ovog ugovora“ a ni na jednoj stranici ponude nije naznačen navedeni broj, te za lot – 3 „i ponudom broj: 172/21 od 16. 2. 2021. godine, koja je sastavni dio ovog ugovora“ a ni na jednoj stranici ponude nije naznačen navedeni broj.

Nadalje, ponuđač nije dostavio Izjavu u skladu sa tačkom 8.6. Tenderske dokumentacije, odnosno nije naveo da „prihvata plaćanje putem Jedinstvenog računa trezora-Federalnog ministarstva financija/Federalnog ministarstva finansija.“ Zbog svega navedenog, a shodno članu 68. stav (4) tačka i) ponuda se odbacuje.

- da ponuda ponuđača Adriatic d.d. osiguranje Sarajevo, za lot – 1 nije prihvatljiva, jer ponuđač nije dostavio Uslove za osiguranje imovine u etažnom vlasništvu, a koji su traženi tačkom 8.13. tenderske dokumentacije. Zbog navedenog, a shodno članu 68. stav (4) tačka i) ponuda se odbacuje.

- Ponuđač Sarajevo osiguranje d.d. Sarajevo za lot – 1 i lot – 3, nije dostavio potrebni dokaz – Izjavu u skladu sa tačkom 8.6. Tenderske dokumentacije, kojom je traženo slijedeće „Izjava ponuđača da prihvata rok plaćanja do 60 dana od dana kada je ugovorni organ primio ispravan račun za pružene usluge i da prihvata plaćanje putem Jedinstvenog računa trezora-Federalnog ministarstva financija/Federalnog ministarstva finansija“, te se shodno članu 68. stav (4) tačka i) ponuda odbacuje.

- da je u skladu sa tačkom 8.8. Tenderske dokumentacije primijenjen preferencijalni tretman domaćeg isključivo u svrhu poređenja ponuda.

- da je primijenjena e-aukcija za lot 3, u skladu s tačkom 3.3. tenderske dokumentacije.

- e-aukcija je zakazana za lot 3, 15. 3. 2021. godine.

- nakon završetka e-aukcije Ugovorni organ je dobio obavijest Agencije za javne nabavke BiH o uspješno završenoj e-aukciji i Izvještaj o toku i završetku e-aukcije.

- najpovoljniji ponuđač nakon završetka e-aukcije za lot 3 je Adriatic osiguranje d.d. Sarajevo, a za lot 1 jedina prihvatljiva ponuda je ponuda ponuđača ASA osiguranje d.d. Sarajevo.

Postupak je provela Komisija imenovana Rješenjem generalnog revizora broj: 12-11-15-93-1/21, koja je o istom sačinila: Zapisnik o zaprimanju ponuda broj: 12-11-15-93-10/21 od 18. 2. 2021. godine, Zapisnik o otvaranju ponuda od 18. 2. 2021. godine, Analitički prikaz traženih i dostavljenih dokumenata-Kvalifikacija dobavljača broj: 12-11-15-93-11/21 od 8. 3. 2021. godine i Zapisnik o pregledu i ocjeni ponuda broj: 12-11-15-93-12/21 od 16. 3. 2021. godine.

Na prijedlog Komisije Ugovorni organ je donio odluku kao u dispozitivu.

U skladu sa članom 99. i članom 101. Zakona o javnim nabavkama protiv ove odluke može se uložiti žalba u roku od 5 (pet) dana od dana zaprimanja odluke.

Žalba se ulaže Ugovornom organu u pisanom obliku neposredno na protokolu ili preporučenom poštanskom pošiljkom.

Žalba se podnosi u dovoljnom broju primjeraka, a koji ne može biti manji od 3 (tri).

Dostaviti:

- Ponuđačima:  
Wiener osiguranje a.d. Banja Luka  
d.d. Brčko-gas osiguranje Brčko  
Adriatic osiguranje d.d. Sarajevo  
Euroherc osiguranje d.d. Sarajevo  
Sarajevo osiguranje d.d. Sarajevo  
ASA osiguranje d.d. Sarajevo
- a/a.

